

四庫禁燬書叢刊編纂委員會

北京出版社

四庫禁燬書叢刊

史部第三五冊目次

閩海紀要二卷

〔明〕夏琳撰
清鈔本

一

明紀編年十二卷

〔明〕鍾惺撰
清順治刻本

〔清〕王汝南補

四七

大明光宗貞皇帝實錄八卷

〔明〕張惟賢
明鈔本

葉向高等纂修

二六三

萬曆武功錄十四卷（一）

〔明〕瞿九思撰
明萬曆刻本

三八九

閩海紀要二卷

〔明〕夏琳撰

清鈔本

北京大學圖書館藏

閩海紀要卷之上

東南夏琳元斌

乙酉大清皇帝順治二年明隆武元年夏閩六月明

立唐王聿鍵稱帝於福州

初唐王統兵勤王以檀羅南陽錮禁獄及宏光立

赦出而南都破靖虜伯鄭鴻逵遇於嘉興語合遂

奉以入閩與其兄南安伯芝龍謀之閩六月十五

日即位陞福州為天興府布政司為大內改元隆

武

明晉南安伯鄭芝龍平虜侯尋封平國公鎮海將軍

鄭鴻逵定虜侯尋封定國公鄭芝豹為澄濟伯

芝龍字飛黃南安石井人兄弟四長芝龍次芝虎

三鴻逵四芝豹初為海盜崇禎戊辰歸誠以平海

寇功累遷至南澳總兵甲申之變宏光即位南京

封南安伯至是以珥立功晉芝龍平國公鴻逵定

國公芝豹澄濟伯

明主召芝龍子成功賜姓朱封忠孝伯

成功原名森字大木天啟甲子年七月十五日生

於日本誕時萬火齊明丰儀秀整七歲取回做僕

有大志年十五補南安弟子員試高等食鎮赴省



試有金陵術士相之驚曰君非科甲中人也殆王
侯相矣時方銳志場屋不以為然及隆武召見奇
其狀貌封忠孝伯撫其背曰惜朕無一女配卿卿
當盡忠吾家無相忘也因賜姓朱改名成功自是
中外咸稱國姓云

明以鄭鴻逵為大元帥出浙東鄭彩為副元帥出江
西

二將既出關疏言餉缺逗遛不前

丙戌三年明隆武二年春正月明主以忠孝伯成功

為御前營內都督賜尚方劍儀同駙馬尋封命佩

招討大將軍印鎮仙霞關

時軍國大事皆取決於芝龍明主積不寧平常獨

居愁歎成功進見奏曰陛下鬱鬱不樂得無以臣

父有異志耶臣受國恩義無反顧誓當以死報陛

下明主嘉歎故有是命

秋八月鄭芝龍密撤仙霞關大清兵入關

芝龍以擁立非其本意日與文臣忤又度清朝神

武必不能偏安一隅有叛意密遣人以道內院洪

承疇黃熙允至是聞魯監國杭州失守乃稱餉缺
檄守將施天福回

明忠孝伯成功兵潰於仙霞關

芝龍聞清兵將至密遣親吏到師納款帥詰之曰
吾兵未臨境而前途獻降書得無詐乎疑係細作
命推出斬之吏疾聲呼冤有閩人在軍中察其詞
哀知其無詐為告于帥帥曰歸語爾主吾于秋仲
提師由仙霞入關可備壺漿以迎於是芝龍遣心
腹蔡輔至關將投意成功輔入見語未發成功屬
聲先謂曰敵師已迫而糧不繼空釜司饗吾將奈
之何耶連請太師急發餉濟軍慎勿以封疆付之
一柳也輔喋不敢發語回見芝龍備述前事且曰
向若道及納款此頭已斷矣芝龍曰癡兒不識天
命固執乃爾吾不給餉彼豈能枵腹戰哉賜姓屢
請皆不報關兵無糧遂逃散成功不得已引還至
延平登城周視嘆息而回

九月明主詔親征師次延平大清兵猝至明主出奔

殂於將樂

初明主決意親征於南臺祭江忽風雨驟至旗幟
盡拔不能成禮成功跪榻前泣奏曰臣父已有異
志陛下當自為計因伏地鳴咽明主掩袂揮淚命
之起遂向延平將幸藉清兵猝至迫城明主倉皇

出奔將樂追及之遂遇害

見勒王入閩鄭芝龍退保安平鎮忠孝伯成功遁入
海

王兵至泉州芝龍退保安平軍容甚盛以洪承疇
黃熙允之信未通未敢迎師王以書招之略曰吾
所重將軍者正以將軍能立唐藩也人臣事君苟
有可為必竭其力力不勝天必投明主而事乘時
建不世之功此豪傑事也若將軍不輔立吾何用
將軍哉且兩廣未平現在贛閩粵總督印以相待
芝龍得書大喜成功力諫不聽遂降十一月往福
州見貝勒王成功又泣諫知不可挽乃遁入海芝
龍至福州見貝勒王王置酒相待甚歡忽夜半扶
之北去從者皆不得見

丁亥四月明永曆元年明主永明王由榔稱帝於肇
慶

王為神宗之孫桂王之子初封衡陽以寇亂徙梧
州會桂王薨兩廣總督丁魁楚與廣西巡撫瞿式
耜擁立之以肇慶府署為行宮改元永曆

明招討大將軍忠孝伯國姓成功起兵

初芝龍既歸誠以書諭成功速降賜姓泣曰父教

子忠不聞以貳遂逃去及芝龍北上乃與所厚數十人舉義收兵南灣時年二十四文移稱招討大將軍罪臣國姓比聞永曆即位遣人間道上表尊奉正朔

明招討大將軍成功屯兵於鼓浪嶼

時厦門先為建國公鄭彩及弟定遠侯鄭聯所據成功自南灣回舊將稍集乃移屯鼓浪嶼以洪政陳輝為左右先鋒楊才張進為親丁鎮郭泰余寬為左右鎮林碧山為樓船鎮進攻海澄清援兵至洪政中流矢死乃引退

秋八月明大將軍成功會定國公滿遠攻泉州

鴻逵自芝龍歸誠尚擁甲兵至是與成功合攻泉州提督趙國祚率師與戰於桃花山敗績走入保城鄭師進至城下九月三日攻城軍聲大振漳州守將王進率兵來援解圍

戊子五年明永曆二年明主在桂林

春閏三月成功取同安以葉翼雲知縣事

成功引兵攻同安守將廉即知縣張勳齡禦之戰於店頭山敗績廉即等棄城遁成功入據之以葉翼雲知縣事翼雲厦門人庚辰進士由吳江知縣

擢吏部主事

秋八月總督陳錦率師破同安明知縣葉翼雲教諭

陳鼎守將邱晉林壯猷皆死之屠其城

泉州之圍自冬徂郡邑戒嚴所在峰起七月十三日總督陳錦援師至八月遂克同安邱晉林壯猷戰歿翼雲及陳鼎死之屠戮無遺凡五萬餘人先是有同安血流溝之議至是果驗是歲大飢斗米千錢

明主封平國公部將洪旭為忠振伯張進為忠匡伯

林習山忠定伯陳輝忠靖伯尋封陳霸為忠勇侯

施天福忠毅伯

己丑六年明永曆三年明主在肇慶

春正月成功陷漳浦

自同安敗後成功往銅山募兵命柯宸樞黃廷等攻漳浦守將王起鳳遂由雲霄抵詔安移屯分水關令黃廷柯宸樞等守盤陀嶺

四月漳鎮王邦俊副將王之剛敗中衝鎮柯宸樞於

盤陀嶺宸樞戰死

漳鎮王邦俊副將王之剛合兵攻盤陀嶺黃廷不戰而走柯宸樞分兵拒戰衆寡不敵與其弟中軍

宸梅俱戰死成功哀悼厚恤其家建祠祀之

秋七月明主遣使晉招討大將軍忠孝伯國姓成功為漳國公

冬十一月成功伐潮州

是年全粵俱奉永曆正朔土寇隨在竊據守潮者郝尚久也自鴻逵據潮之揭陽兩家各相疑忌初

潮人黃海如陳斌為巨寇歸成功至是導成功遂入南陽分兵勦許隆諸賊及建壕新墟等寨悉平之命太子太師鄭香守石尾城有衆數千後為國

朝所破一子鄭海死焉

庚寅七年明永曆四年春正月成功入潮陽

成功引兵將至潮陽知縣常翼鳳以城降令洪旭駐鎮其地

夏六月成功伐潮州

成功遣甘輝殺賊黃亮采復敗廣東邵提督軍於潮陽

秋八月成功回師廈門取定遠侯鄭聯軍兵

時全廈門島尚為建國公鄭彩定遠侯鄭聯所據肆虐不堪民不堪命其守將章飛雲尤橫成功乃與陳霸議曰兩島本吾家土地彼兄弟所據肆橫

無道大為不堪乃嚴部署自揭陽回軍於中秋夜

抵廈門聯方醉萬石岩報至不得入詰朝出見成

功於舟中交拜甚歡成功笑曰兄能以一相假乎

聯未對執銳者前矣唯唯惟命于是魔軍過船聯

將皆降海上軍皆屬焉惟彩率所部遁去飄泊數

年成功招之還以病卒于家

冬十一月成功南下命鄭芝鵬鎮守廈門

成功至潮陽提塘黃文自行在來稱有旨徵賜姓

率兵入援

明主在南寧

明招討大將軍漳國公成功起兵南下

時平南王尚可喜靖南王耿繼茂率滿騎數萬攻復廣州西寧王李定國望援甚急閏十一月成功

率各鎮官兵南下十二月抵揭陽

辛卯八月明永曆五年春正月成功率兵至南澳

時施琅進曰勤王固臣子職分但琅昨夜得一夢

甚然不利乞復細思成功默然令將琅所佩左先

鋒印及所轄兵將委副將蘇茂管轄命琅同鄭鴻

遠回廈門助芝鵬固守成功率兵南下二月至白

沙湖颶風大作船幾覆三月至大星所殺退惠州

援兵攻其城下之

二月巡撫張學聖會提督馬得功襲廈門明文淵閣大學士吏部尚書曾櫻死之

成功兵南下舟次平海衛學聖得功乘虛來襲廈門時鴻逵棄揭陽回師未至芝鵬不能守得功先遣數十騎渡五通登岸兵民望見皆潰時曾櫻在城中或邀之遁櫻曰此一塊清淨土正吾死所豈復泛海求活耶遂自縊時二月三十日也門人阮昊錫陳泰等冒險出其尸鄉紳王忠孝殮之殯於金門奏聞永曆行在禮部先祿大夫上柱國太師謚文忠賜祭葬蔭一子中書舍人一子錦衣衛世襲

夏四月成功回師廈門承制殺鄭芝鵬

先時馬得功既入島張學聖及興泉道黃澍于三月初一日至見廈門孤懸海外汪洋萬頃愕然曰此絕地也若有緩急援兵豈能渡哉即先引回不數日鴻逵至截港攻圍得功欲退不得渡窘甚乃謂鴻逵曰公等家口皆在安平脫得功不出恐不利公家鴻逵患之且不虞成功旋師得功渡海已三日矣成功大悔恨按芝鵬以失守罪罪之奉尚

方劍斬以徇諸將股栗兵勢復振凡六萬餘人鴻逵退泊白沙寨寨居之

明左先鋒施琅來降

琅晉江人也事成功年最少知兵善戰自樓櫓旗幟陣伍之法皆琅啟之前在南灣兵付蘇茂代將意回必復任成功不與遂請為僧成功令再募兵許授前鋒鎮鎮偶有親丁曾德逃於成功營琅擒治之成功馳令勿殺琅竟殺之成功大怒捕琅並逮其家口琅乘間逸去密渡安平依鄭芝約成功收其父大宣及其弟援勳左鎮施顯殺之

五月成功入南澳

成功自回廈門申嚴紀律軍聲大振率衆入漳之南溪漳鎮王邦俊率兵迎戰敗績又敗於漳浦降者數百人漳州戒嚴

冬十一月提督楊名高及鄭成功戰於小盈嶺名高敗走

名高自福州率步騎援漳成功迎戰於小盈嶺名高大敗僅以身免成功乘勢攻漳浦守將陳堯策以城降

壬辰九年明永曆六年春正月成功攻海澄守將郝

文興以城降

成功引兵向海澄是日潮乍漲舟達城垣守將郝文興降成功以舉人黃維璟馮澄世先後知縣事三月總督陳錦及鄭成功戰於江東橋大敗成功乘

勝拔長泰漳州屬邑俱下

成功遣提督甘輝攻長泰遇副將王進於北溪二人俱雄健著名久念一決雌雄乃奮戈搏矢兩馬相當自己至午縱橫跌蕩觀者踈踴既而兩家兵至乃解王進入長泰甘輝日夜攻城弗克會總督陳錦來援成功選精銳迎戰於江東橋北陳錦徂先年伺安之捷頗輕敵全軍皆沒奔回泉州成功乘勝攻長泰拔之王進獨以數十騎遁入漳州城屬邑俱下

夏四月成功攻漳州

成功引兵圍漳城五月浙鎮馬達知原名率兵來援縱其入城引兵出戰連敗之遂嬰城固守不出成功累攻不下乃擁鎮門之水以灌之堤壞不浸復列柵圍之城中食盡人相食枕藉死者七十餘萬人

秋七月庫成棟殺其主總督陳錦歸成功誅之

陳錦軍於鳳尾山慙江東之敗號令峻刻為其僕庫成棟所刺持首歸成功成功歎曰僕隸之人而叛其主是大逆也大逆何以勸後命斬以徇成棟疾呼曰陳錦暴疾不仁衆心已離寬我一死必有望風續至者入閩可不勞而定也衆咸為之請成功曰得入閩者一時之私利也誅叛逆者萬世之公義也吾終不忍以一時之私利廢萬世之公義焉命斬之

冬十月固山金礪及成功戰於古縣敗之解漳州圍

成功退守海澄

漳州久圍中外隔絕固山金礪來援時成功久頓堅城師老糧匱退屯古縣迎戰累敗收兵退保海澄

明主在安隆

是時明主封李定國為西寧王定南王孔有德敬謹王尼堪皆為所敗有德敗於桂林尼堪敗於衡州

癸巳十年明永曆七年春正月成功遣定西侯張名

振率水師攻復浙直州縣

夏五月固山金礪攻海澄成功親督兵迎擊金礪退

全礪既解漳圍悉滿漢精銳之兵進攻海澄城懷

百餘丈成功立雉堞防禦張蓋而生與諸將飲於敵樓礮兵望見矢礮雨集成功益語治軍指揮自若方易位而坐而原坐為礮擊碎成功呼曰天佑孤臣諸將無虞矣于是衆各奮氣力十倍兵臨城蜂擁而上有廝養卒鄭仁舉斧以砍衆從之登者悉墜積屍填河甘輝復率兵截擊擒斬無遺全礮宵遁是役也成功論功行賞以忠孝伯印授甘輝輝不敢受召鄭仁拜都督乃更築短城而海澄之守益固

明主遣兵王事萬年英資勳晉澤國公成功延平王成功表辭

成功既敗固山全礮遣監紀施士紳以蠟表奏明主行在併叙破提督楊名高及職總督陳錦之功明主即命晉封成功為延平王成功表辭甘輝黃廷等及各鎮皆有封爵

秋九月成功率師南下剿鷓汀貝尋引還時却尚久守潮被兵求援成功遣陳六御率兵救之高久狐疑不敢納及潮州破自焚死尋破鷓汀貝而還初鷓汀貝恃其土城險固聚衆剽掠海上商船多被擒載抽腸剝腹慘酷非常至是成功攻

破之屠其城丁壯無遺

甲午十一年明永曆八年春二月遣官議撫以海澄公印封成功成功弗受

初芝龍在京密令李德回勸成功就撫陽許之帝遂封芝龍同安侯芝豹左都督遣賈二官賁誥及海澄公印勅授成功且授封鴻達為奉化伯成功不受十一月再遣內院學士葉成裕理藩院阿山及芝龍少子鄭度賁勅至許以泉漳惠潮四府安插兵衆成功堅執不從李德泣曰將軍不聽恐太師禍且不測成功戚然久之謂曰非不知清朝待我厚但我受明室厚恩義不可屈因泣揮之去葉阿二官回奏帝大怒置芝龍於高牆戍芝豹寧古塔

冬十月成功起兵

成功遣輔明侯林察閩安侯周瑞督水師戎旗鎮王秀奇左先鋒蘇茂督陸師率官兵戰艦百餘艘南下勤王差効用官林璿奉表詣明主行在併持書會西寧王李定國

十二月成功陷漳州

時十一月晦成功自廈門入海澄夜嚴部署四鼓

直抵漳州入其城兵不血刃于是守將卜用世魏
標及知縣周瓊知府房星璣皆降十縣皆下泉州
屬邑望風而壞獨泉師韓尚亮守泉州不下

乙未十二年明永曆九年春二月明招討大將軍延
平王成功承制設六官

初成功以明主行在遙隔軍前所委文武職銜一
時不及奏明主許其便宜委用武職許至一品文
銜許設六部主事成功復疏請以六部主事銜卑
難以彈壓明主乃賜詔許其軍前所設六部主事
秩比行在侍郎都事秩比郎中都吏秩比員外於
是設六官以潘賡鍾舉人為吏官洪旭為戶官陳
寶倫舉人為禮官張光啟為兵官程璠為刑官馮
澄世舉人為工官設協理各一員左右都事各二
員以常壽寧為祭言司鄧會張一彬為正副審理
又設儲賢館育曹館

以前所試洪初闢楊芳呂鼎林復明阮冕錫等充
之先是明主開科粵西諸生願赴科舉者成功給
花紅路費遣之島上衣冠濟濟猶有昇平氣象又
以死事諸將及侯伯子弟柯平林維榮充育曹館
明鄭成功改中左所為思明州

中左所即廈門城至是改稱思明州以薛聯柱鄭
會先後知州事

鄭成功奉明魯王居金門

時監國魯王及寧靖王諸宗室避難至廈門成功
皆禮贍優給奉之居金門又給避難諸縉紳盧若
騰王忠孝辜朝薦徐孚遠等銀幣時縉紳避入島
者衆成功皆優給之歲有常額待以客禮軍國大
事輒咨之皆稱為老先生而不名若盧王辜徐及
沈佺期郭貞一紀許國公允所尊敬者

鄭成功誅餉黃愷

成功自起兵以來軍律嚴明禁止淫掠犯者立斬
破城之日諸軍雖爭取財物遇婦人在房內則却
退不敢人遠近稱快以餉餽不足命黃愷為餉鎮
供給軍需愷剋刻不堪怨聲載道成功怒收斬之
夏五月明總督水陸兵馬林察周瑞王秀奇蘇茂等
無功引還成功怒貶責有差

林察等回軍稱西亭王李定國戰敗應援不及已
退入梧州成功大怒將斬之以其夙昔戰功各將
點細責有差因致書於李國其略曰敝員以台命
至知老台臺內急君父之憂外切仇讎之痛某恨

不能征帆倏忽直揮球江同掣故土以迎乘輿詎意船師未至而大軍已先班回勝負兵家之常不足深憂但敵船逗遛既不能先期會師又不能奮圖後援使醜類長驅某實有罪焉已將水陸各將領審定功罪重行細責乃念其有功不然已正法矣今援粵之精銳已悉來閩且檄全粵水陸與某對衝則粵東勢必空虛乘機襲取正其時也幸迅旆入粵直取某處定有摧枯拉朽之勢從此長驅破竹共抵燕京聚首策勲深所願也

明鄭成功遣忠振伯洪旭北鎮陳六御督師北上六御等揚帆進取舟山守將巴臣興降以六御守其地洪旭等攻溫台等處台州鎮馬信寧波鎮張宏德出降空其而歸

六月成功毀安平鎮

安平距泉州六十里芝龍置第其中洋船直抵海外人烟繁華勝於郡城至是聞貝子王統大兵將至乃墮其城并毀漳府及惠安同安三城飲兵回厦

秋七月成功遣中提督甘輝右提督王秀奇統兵北上遣前提督黃廷後提督萬禮統兵南下

成功以輝為正總督秀奇副之率二十餘鎮往北與洪旭陳六御相機進取以廷為正總督禮副之師二十餘鎮南下八月黃廷等攻揭陽潮鎮劉伯祿來援累敗陳霸復自南粵率兵與廷會遂拔揭陽併復普寧縣

冬十一月定遠大將軍庶子王入閩成功回思明州庶子王至泉使人持諭至厦門招撫不納復易函稱書成功答之令厦門居民撤移過海官兵家口搬往金門鎮海等處空島以待

丙申十三年明永曆十年春正月平南王尚可喜遣兵攻揭陽及蘇茂戰敗之

可喜同潮鎮劉伯祿來復揭陽茂率左衛鎮黃梧迎戰大敗可喜追至城下黃廷出兵迎戰乃退

三月庶子王遣水師攻兩島遭風引還

庶子王大集各涉船隻令泉鎮韓尚亮督率出泉州港成功令林順陳澤等迎擊忽颶風大作尚亮船飄散沉壞收回者不滿十船由是不敢渡海

夏五月鄭成功殺左先鋒蘇茂

茂原為左先鋒施琅之逸去茂實密縱之因補其職至是同前衛鎮黃梧喪師於揭陽成功怒調還

遂按軍法斬之

六月鄭成功督師北上

明前衝鎮黃梧以海澄叛來降詔封梧為海澄公

成功將北向留儲蓄於海澄以左提督王秀奇統

黃梧蘇明等守之尅日解纜時貝子王入閩泉漳

屬邑皆下獨海澄未復百計誘降適調守將出計

稱黃梧以揭陽失利懼誅可以誘之王從其計黃

梧遂挾蘇明據海澄叛來降詔封為海澄公命駐

漳州先時遣官賚海澄公印欲封成功成功不受

總督上疏曰懸此印於國門彼中豈無有內應者

至是黃梧降即以此印爵封之別調蘇明入京授

為哆理機邦內大臣其後梧獻平海策請發鄭氏

祖墳誅求親黨沒五大商及遷界等事禍及五省

人罹其害

秋七月明鄭成功克閩安鎮進攻福州

貝子王頓重兵在漳成功議率兵北向以綴之既

解纜忽報黃梧以海澄叛或勸旋師以爭之成功

曰吾欲圖大事海澄何足惜哉遂揚帆進攻閩安

鎮破之福州大震攻之不克乃城牛心塔以陳試

戍之

八月兵復出舟山明總制陳六御英義伯阮駿死之

浙兵攻舟山明陳阮二將帥兵迎擊被誘深入水

急收船不回俱赴海自焚死餘船奔散于是毀舟

山城郭遷徙居民

冬世子王發兵攻銅山為明後衝鎮華棟護衛黃元

擊敗遂引兵還福州

華棟原名全璫第興化書生也歸成功時其母尚

係府獄改名成功以千金贖出之後棟死仍存恤

其子

十二月成功入羅源寧德世子王使梅勅阿格裏帥

兵來援為甘輝所殺

阿格裏帥將巴都柯如良等襲輝軍諸將見輝陣

整不敢迫格裏恃勇直前甘輝揮戈大呼迎擊殺

之是役也格裏最驍勇而巴都等皆善戰及俱敗

致諸兵為之奪氣

同安侯鄭芝龍遣謝表勸成功就撫總兵李率泰亦令

時遣芝龍命謝表勸成功就撫總兵李率泰亦令

人說暫退兵以就撫局成功不聽表等日夜涕泣

以無可復命為憂成功因復書於芝龍略曰謝表

賚父親手諭忽然而至疑信參半情能不自傷而

勢無可如何耳吾父存亡禍福兒科之已熟清朝待投誠之人猜忌多端有始無終總是扶之一字而兒豈可扶之人乎自清朝入閩以來喪許多人馬費許多錢糧百姓塗炭赤地千里已驗於往時矣茲世子傾國來閩將歷三載殊無奇謀異能只是補葺破地淫掠數殺一弄兵於白沙而船兵覆歿再弄兵於銅山而全軍殲滅閩安為福州門戶遽爾遂破羅源一戰阿格裏盡喪其力量亦可見矣乃損無數之甲兵費無稽之錢糧區區爭此數百枝無用之頭髮不持失失策亦何量之不廣也清朝誠能略其小而計其大裨地方安插我衆彼無詐我無虞如此則奉清朝之正朔無非為生民計而為吾父屈也安插得宜清朝自無南顧之憂中左在海外別一天地兒效巢父嚴光輩優游山林高尚其志耳清朝多疑不便差人再往兒至此心已盡而言尤實伏祈鑒照成功不就撫然父子之情不能忘常於中夜起立北向私自悲哭痛哀

丁酉十四年明永曆十一年主在雲南

春三月明定國公鄭鴻逵卒於金門

鴻逵由崇禎庚辰科中武進士累遷登萊副總兵

甲申京師陷宏先即位於南都檄守采石磯以右軍都督掛鎮海將軍印乙酉南都失守引回迎隆武立之封定國公丙戌貝勒王入閩芝龍北去乃與成功舉兵攻泉州入潮辛卯退泊白沙寨寨以居丙申攻之不克移居金門養病至是卒年四十五歲成功聞之回思明州

夏六月臺灣紅夷酋長揆一獻方物於成功求通商許之

揆一使通事何斌貢外國珍寶於成功求通商願年輸款納餉銀五千兩箭五十萬枝硫磺一千担成功許之

秋七月成功率師北上命旭守思明州

成功既北向八月進攻黃岩守將王戎以城降乘勝攻台州總兵李必知府齊維藩臨海知縣黎獻唐俱降九月下太平天台守將俱降

九月兵復閩安鎮

世子王及總督李率泰合兵攻閩安鎮明前提督右鎮余程戰死護衛前鎮陳斌率五百餘人守羅星塔不得出世子王使人招之盡殺之於南臺橋成功棄台州率兵欲救閩安已失乃引回思明州

冬十一月明王遣漳平伯周金湯晉招討大將軍延平王成功潮王

初永曆癸巳差萬年英封成功為延平王成功讓於諸鎮請封爵明主以帛詔封甘輝為崇明伯黃廷永安伯萬禮建安伯郝文興祥符伯王秀奇慶都伯張煌言兵部左侍郎馬澄世太僕卿兼食都御史餘各封爵有差至是復命周金湯及太監劉國柱從海道賚延平王勅印至晉封潮王成功讓讓不敢當仍稱招討大將軍

明前監臣徐孚遠至自文趾

孚遠字闇公幾社六子之一避難入島奉明主命使安南為趾所得欲娶以臣禮見孚遠不屈而還

有交趾摘錦傳於世成功怒遂禁商船不許往交趾貿易

戊戌十五年明永曆十二年春三月成功乘演武亭練兵

成功令其將左武衛林勝督兵南下攻許龍破之

許龍為南陽巨盜出沒反覆員固不服成功命林勝合左右衛之兵攻之師至港水忽漲勝等直入龍寨眾遁獲其輜重船隻焚其巢穴海澄守將劉進忠迎降

夏五月成功大舉兵圍江南

初永曆己丑開科於粵東詔各勲鎮考送諸生赴試成功遂送生員葉后詔洪開闢等十餘人令洪志高賚本詣行在舟至潮陽遭風飄散十餘人不

得達獨志高至粵詔為兵部職方司監令成功以

師直抵南都成功承旨至是議欲大舉直攻襲南京諸將請曰南京地遠城堅非數萬人不可不如近取為得計成功曰入據長江則江南半壁皆吾囊中物矣乃以黃廷為前提督洪旭為兵官鄭泰為戶官留守廈門而自率甘輝等北上甲士十七萬鐵人八千戰船八千揚帆而進號八十萬

六月成功徇浙江平陽瑞安諸縣皆降

成功兵至浙江平陽守將車任運瑞安守將艾誠祥降七月師次羊山為暴風飄沒八千餘人幼子從軍溺焉泊浦州修理戰船九月至常山知縣令

父老賚羊酒犒師命勿攻十月至台州港後衝鎮劉進忠叛入海門遂令攻之棄城而走

己亥十六年明永曆十三年春正月成功軍駐沙關夏五月明主在永昌成功軍至崇明

成功火崇明諸將先取之以為老營不聽乃遣監紀劉澄密通江南提督馬進寶進寶有思明之心密與成功通

六月成功破瓜州尋克鎮江府

成功舟至焦山謂諸將曰瓜鎮為金陵門戶須先破之乃授諸將機宜直南風盛發各率所部進據瓜州上流十六日自督親軍及甘輝等將直搗其柵操江軍門朱衣佐城守左雲龍率滿騎兵迎戰陣方交成功揮軍大進右武衛周全斌率步騎浮水先登直衝其陣身中五矢氣益厲諸軍繼之衣佐等兵大潰殺雲龍於橋下衣佐被擒瓜州遂為所陷成功命援剿左鎮劉猷守之以柯平為防同知見朱衣佐欲用之以有母在哀懇求歸成功給資贖縱之二十日成功移兵趨鎮江總督管勅忠率滿漢官軍夾擊奮力死戰成功親督諸軍効忠大敗僅以身免積屍填河知府戴可進等開門出

降成功令周全斌守之屬邑皆下又令張煌言督戎政楊朝棟招撫江南袁起振招撫江北于是太平寧國滁和徽池諸郡縣俱欲降成功即杭州及九江等處亦有密謀歸成功剗欲為內應者

秋七月成功進逼南京

瓜鎮既破甘輝進謂成功曰瓜鎮南北咽喉但坐鎮此斷瓜州則山東之師不得下據北固則兩浙之路不得通南都不勞而定矣成功不聽將進兵甘輝又請陸路而行以為乘破竹之勢一鼓可下或破其附近州縣以絕援兵則南京勢孤自必難守若欲由水路恐風信稽遲援兵四集又費工力時諸眾多以從水路為利便成功遂率兵揚帆直指南都傳檄有六月興師敢云趨利十年養銳正欲待時之語

成功遣蔡明太祖高皇帝孝陵

成功由鳳儀門登岸屯兵岳廟山望祭明太祖孝陵再拜慟哭哀動三軍諸將士無不感奮

成功遣蔡政高綿祖會江南提督馬進寶師

進寶心戀明朝密有通款成功師次崇明時曾遣劉澄賚密函通之至是遣蔡政等前往訂其帥師